

scant:¹¹ *Differentias saporum commutationes esse multarum partium et plantis differentibus, trahentibus similes partes a nutrientibus, sicuti in vitibus, non enim harum differentiae faciunt vinum varium, sed nutrientis soli.* Talis etiam est Plutarchi locus, nisi quod corruptior legitur, quem ex collatione cum Aetii loco restituere licebit. In neutro tamen ulla est aut saporum in aqua latitantia aut Solis et caloris mentio.

Quibus authoribus ratio suadet magis credendum esse, quod ex professo veterum philosophorum dogmata recensenda sum-
 10 pserunt, quam Aristoteli, qui sibi id oneris, uti vidimus videbimusque, desumpsit, uti eos cavillis ac detortis interpretationibus [303] vexaret.

Refellitur a Plutarcho illud quoque crimen, quod est 2. De ortu animalium capite 10. ubi de causis sterilitatis mularum agens
 15 sic scribit:¹² *Empedocles vero causam dicit miscellam seminum fieri densam ex molli utraque genitura existente.* Longe aliam ille causam affert libri 5. capite 14:¹³ *Empedocles ob parvitatem et depressionem et angustiam uteri inverse ventri adnati nec semine recta ingrediente in ipsum, neque etiam si perveniret, ipso suscipiente.* Ex quibus profecto
 20 totum illud toto capite extensum crimen tollitur.

Quod vero est libro 4. capite 1. non ab aliis, sed ab ipsomet Aristotele tollitur, antequam eius capituli disputationem conclu-

¹¹ τὰς δὲ διαφορὰς τῶν χυμῶν παραλλαγὰς εἶναι τῆς πολυμερείας καὶ τῶν φυτῶν διαφόρων ἐλκόντων τὰς ἀπὸ τῶν τρεφόντων ὁμοιωμερείας, ὥσπερ ἐπὶ τῶν ἀμπέλων, οὐ γὰρ αἱ διαφοραὶ τούτων ποιοῦσιν τὸν οἶνον διαλλάττοντα, ἀλλὰ τοῦ τρέφοντος ἐδάφους. [Usp. PS. PLU. Plac. 910.C. 13 – D. 4 Petričev se citat jako razlikuje od kritičkog izdanja]

¹² Ἐμπεδοκλῆς δ' αἰτιᾶται τὸ μίγμα τὸ τῶν σπερμάτων γίνεσθαι πυκνὸν ἐκ μαλακῆς τῆς γονῆς οὐσῆς ἐκατέρας. [ARIST. G A 747a. 34 – b.1]

¹³ Ἐμπεδοκλῆς διὰ τὴν σμικρότητα καὶ ταπεινότητα καὶ στενότητα τῆς μήτρας, κατεστραμμένως προσπεφυκυίας τῇ γαστρὶ, μήτε τοῦ σπέρματος εὐθυβολοῦντος [εὐθυποροῦντος] εἰς αὐτήν, μήτε, εἰ καὶ φθάσειεν, αὐτῆς ἐκδεχομένης. [PS. PLU. Plac. 907.B. 5 – 8]